

ARCHIVI

de leterature furlane

anfighe e moderne

*Biele lenghe furlane fortunade!
cumò sarà di te pûr fate stime
e plui d'ogn'altre tu saràs loldade.*

GASPAR CARABÈL (Rumîd
cirche 1630)

Cheste dispense 'e contèn:

IL PÊT A GURIÇE. — Poemût in otavis dal cont
Z. B. de la Puarte (continuaçion e fin).

SU LA CUVIARTINE:

Lunari par un an qualúnque di 'C. Ciampane (cont.).
Recensiôns.

Dôs táulis separadis cun 44 stemis di Comúns Furláns.

Il Gran Lunari Gnûv par un an qualúnque

di 'CIFICH CIAMPANE

Maj (continuaçion)

che al crôd di 'vê une raritât.
Crodint di 'vê la libertât
la femenute 'l-ha bussât
e in cerç puès-c al-ha nasât
pe' so gran curiositât...
e la femine j ha molât
un bièl pan e ben sestât,
e poi dopo mi ha spiegât,
e di stuch al-è restât,
che la so virginitât
ben ai altris ha prestât. 1)

1) Ches-c quatri viârs erin stâç scancelâç.

E poi chest iò 'us dirai
che ognûn si ciape 'ta-l tramai;
'o 'vin duc un tananai,
ma jessint il mès di Maj
par crodi dut j penserai.
E si j fais al miò parê
'a la slungin in dí di vué.
Stin tacâç a l'onestât
e ognûn al sará beât.

Juin

Il mès di Juîn al-è il sest
plen di voris che si sa

e al va indenánt simpri cu-l test
di meti i cavalírs a filâ.

Sú corágio, contadíns,
assistençe a ches-c insèç
s'-j vuelis viodi i zechíns
'te-s vuestris mans clârs e neç.

Cun di plui al jentre istât,
plen di ciâld che duc lu sa;
di calôr ben scalmanât
ai vinc-e-ún al-ûl jentrâ.

Dopo vendude la galete
'vês la sijale di tajâ.
Sú viesti'-si sú a la sclete
e vaît svelç a seselâ.

E daûr il cinquantín,
(araj'-lu ben e coltaj'-lu miôr,)
dait la tiere al promedin
e da brao agricultôr.

J vês za pront áncie il formènt
che in ches-c dís al ven madûr.
Nò stait pierdi chest momènt,
magari San Pieri lassait fûr.

Di seâ la seconde tose,
'us racomandi, nò dismenteâ.
L'erbe-spagne 'e jé golose
pa-i nemâi che han di mangiâ.

Dúncie j viodis, 'vês ce-fâ
d'ogni bande ch'j si voltaís.
Sú da brâs a sfadijâ
che ben prest si disbrataís.

*
**

Vaît a San Pieri a Tarcínt
che han la sagre che s'intínt;
a' farán grande ligrie
mangiâ e bevi in osterie.
Plui a' farán un gran fiestòn
par balâ in 'ste ocasiòn.
Ma a San Pieri al Nadisòn
secónt me 'e ha plui 'vasiòn
parché han la ereditât:
vendi gubanis in quantitat
e par chêi che son golôs
(che in dí di ué nò-nd-è ben pòs)
che vadin pûr in Sclavanie

che restarân plens di ligrie.

Al-è San Pieri áncie a Giavóns:
avertide cun granc tons
e fusetis e rochetóns
e ceriesis in abundançe
par jemplâ-si ben la pançe.
Zoventût vaît a Giavóns
nò restarès mai plui bufòns.

Áncie chêi di Volvesòn
e' han San Pieri par paròn;
e' han grande grâcie pa-l forèst,
e' preparin dut in sest
par fâ viodi dut pulit
in ogni lûch e in ogni sít:
E chêi che si uelin divertí
a Volvesòn e' han di vigní.

Áncie chêi di Cordenóns
a San Pieri 'a-j fan fiestóns
e par fâ-le diferént,
(che dai forès-c al-è contént),
'a nò-l bade il preparâ
par bevi e gioldi e áncie balâ:
'l-ha voe duc di contentâ.
A Cordenóns, o zoventût,
al sará dut a vuestri mût.

Luj

L'è rivât il mès di Luj
che al-è il sètimo da l'an:
il contadín 'a nò-l puèsc plui:
Sot duc-quânc a dâ-j une man!

*
**

Mi displâs ch'j nò soi bon
di lavorâ di chest mistír:
mi fâs mâl chel agaçòn,
se nò, j larèss, ma vulinîr.

J sês strachs e iò 'us-al cròd,
ma corágio, tignît dûr
e apenis che si viòd
cu-l falcèt giavai'-si fûr.

In-tâ-l prât 'us spiete il fen
fresch e bièl e madurît.
Seáj'-lu sot, ciapâj'-lu ben,

e ris-cielaj'-lu ben pulit.

Da lis vîç 'o vês di viodi
di tignî-lis simpri netis
di ogni insèt; nò stait a crodi,
sençe fadie nò-n' va di dretis.

Riparaj'-si dal calôr
che in chest mês jé gran dispense:
Jé la canicule in bolôr
che nus bruse: nò ha coscienze.

Bevit simpri qualchi got
un decimîn di sore-sere...
a vin e bire podeis dâ-j sot
ch'j sês sigûrs di puarfâ bandiere.

*
**

'Te prime domènie di Luj
sençe ch'j mi spiegghi di pluç
'a è la sagre a Madris
par divertî duc i vîs,
di Sant Antoni clamade.
Sarà une bieles zornade:
grande procession par la strade
da la so bande compagnade,
dal siôr plevân comandade,
dai devòç praticade.
Faràn une bieles serade
dâi fuchs artificiai luminade.
Ma s'j nò sês duc devòç
sarès ciapâç par sbregòç.
Nò stait lâ là
s'j nò vês di prejâ.

Par il Carmin di Rivis d'Arciân
spiegarai un altri an.

Sant Ermâcore a Buje,
crodês-o che nò-l sevi nuje?
Vait a viodi in persone...

'e sarà une robone.
Iò mai nò soi stât
par une gran fatalitât,
ch'j soi par splantât,
ma ben mi han contât
che, cui ch'al-è stât,
nò-l-hâ mai plui lassât
di tornâ ogn'an.

In Tabeách ¹⁾ gran bacân
ogni han lôr e' fan
par divertî dut il mont
fin a l'ultim pont.

Avòst

Il mês d'Avòst al-è l'otâv:
al ten daûr chel s-ciafojâç
e al-hâ cûr di jessi brâv
cu-l molâ qualchi burlâç.

Al-è bon di fâ il restîv
sençe ploi un gotisîn
cu-l seciâ áncie la radris
dal promedi e cinquantîn.

Rabiôs e sfogonât
s'a' si met a cambiâ
lamps e tons in quantitât
e, se al po', áncie tempestâ.

El-hâ cûr in-t-ûn momènt
di ridusi il contadîn
avilit e mal contènt
e lassâ-lu sençe vin.

E nò-l baste, e la polente
che j-ha ciolte su-l pluç bièl
e par chest ognûn al stente:
si è duc ciapâç pa-l cuèl.

Sû da brâv viôd di fâ il bon,
ch'j 'vin avonde ciarestie,
dopre un po' di compassiôn,
ti domandîn in cortesie.

*
**

Nò si visâis-o, contadîns,
che ancimò nò vês finît?
Nò giavâis-o áncie i luvîns
che son madûrs cussî pulît?

*
**

'E jé l'Assunte a Cistierne,
une sagre di rivuârd:
la procession cu-la lanterne,
ma divertimènc nò fasin part.

Vai' a Udin in chel di
ch'j varès sodisfaziôn,

1) Al devi sei Aveacco, tra Colorêd e Buje.

'us racomandi a ubidî
e mi dirês ch'j hai vût resòn.
Son lis corsis dei ciavai
e áncie chês di biciclete,
e' puedis cori cu-l tramvai,
comoditât, ma benedete.
Bire fres-cie di Morêt
e chê di Dormisc 'a è uguâl,
puedis bevi-nt par dispiêt
che nò 'us fâs mâl.

La prime domènie d'Avòst
Rodeán a ogni cost
al fâs la sagra a sant Antoni:
Nò stait a crodi che 'us mincioni.
Vigni' pûr a Rodeán
a la sagra daûr-mán,
restarês sodisfâç
pe' quantitât di colâç,
pe'i cuârgnui nò ocôr
ch'j vadis atôr,
e' sarán preparâç
par duc i rivâç.
Fait svelç a comprâ
che nò vessin a mancîâ...
e po' al-è Moròn
ch'al ten simpri vin bon
e forsi chest an
par fâ pluç bacân
al vará áncie il breâr
provisori solâr...
Za j savês par ce fâ:
Par divertî-si a balâ.
Zoventût vignît ca;
grant divertimènt al sará
e se duc nò puedin stâ,
vait lá di Michelût
che jé grande ostarie e al-há di dut
par mantignî l'alegrie,
j vedarês ce cortesie;
e prin di dâ-j a Rodeán l'adio
vait a ciatâ l'ostarie di Pio.
Sarâ fornide di dut quánt
pa-l forèst e il viandánt
e in di di sagra, nò ocôr spiegâ,
ogni ben di Dio 'us provederá.

Dúncie vignît a Rodeán
ch'j viodarês chel matarán
che 'l-ha fat chest gnûv lunari
che in Friûl nò-l-è il so pari
e par chei di Coseanèt
un altri an ur farai il sonèt.

Setember

Tu Settembre tu hâs il nûv
è cun te l-entre autún;
ven, rafrès-ci-nus da-gnûv
áncie prin del vinc-e-ún.

Viôd di fâ il to biêl mistîr
di maduri duc i racôlç
e di nò mèti-ti in pinsîr
di fâ-nus lâ du-quânc discólç.

*
* *

Contadín, sta preparât
a la vendeme 'co jé pronte,
che jé da' ûe in quantitât
par fâ vin e áncie zonte.

Ce alegrie a vendemâ!
duc a' ciantin pa-i vignâi
'e si viôd duc a bacaná
mangiánt dei raps gustôs che mai:

Preparait áncie i tinâç
cu-l puli-ju d'ogni odôr
e chêi gnûs ch'a' sein ben faç
s'j volês il vin cun-d-ún bon flôr.

Tignît cont áncie de trape
che jé buine in doi câs
pa' bruade e plui pa' grape
e par fâ garbs un pôch i râs.

Nò stait 'vê masse premure
vendeman'-le masse a binore;
lassait pûr che sei madure
che 'us rint ben plui une vore.

*
* *

Savarês che domán
'e jé sagra a Coseán
e par di-le in juste rime
di Settembre la domènie prime.

ciatan'-si il nestri câs in condiçion
di tratâ-si cumò con plui creanche,
e distudâ l'incendi cu'-lis buinis
par evitâ da gnûv brutis rovinis.

50. — Se cumò si rinove un altri
che lu fasi il destîn riescî mâl, (assâlt
e dal mûr tombolâç cun altri salt,
nò jevarîn mai plui fûr del fossâl,
e restâç sençe înt, Giove da l'alt
prejerîn che ripieghi al nestri mâl
cu-l mandâ Deucaliôn ¹⁾ un'altre volte
par fâ d'umin cui class gnove raccolte.

51. — E vo, siôr magistrât, secônd
emanait su-l momént provid decrèt (la leç
che, sençe proteçion, sençe manèç ²⁾,
si jûdichi Marín a rigôr stret;
alore sarîn fûr d'ogni petèç
parcè che ciatarîn a dut il dret:
Il popul del decrèt sarà informât
e l'ire disfredând sarà placât.

52. — Subit che il popul viodará
adotânt pe-l delît vere misure, (justiçe
al lassará sul fat arme e malîçe
tornând a ciase so cun gran premure.
Abraçând la muir cun gran letiçe
contará la sufiarte vite dure
dug i Giòss ringraçiând di 'vè s-ciampade
per acidènt la muárt in chê zornade.

53. — Benedirân la nestre providençe
eco fasînd al nestri sant pensîr
spieterân di bon stomi la sentençe
che si publicherá per man di uscîr,
dismementarân cun dute indifferençe
del timp passât ogni penôs pinsîr,
operând in chest mûd ué vedarês
che du-quánt per il miei otignarês. —

1) Deucaliôn, fi di Promèteo, secônd la mitologie greche, salvât dal diluvi, al sbarciâ sul mont Parnâs. Interogât l'oracul, al fo conseât di butâ daûr la schene tanc class parcè che nascèss une gnove stirpe di umin. Cussî al fo fat e alê nassût Èleno capo-stîpite dai Grêchs.

2) Coruçions, raccomandaçions, proteçions; significât non registrât in Pirone.

54. — Fo aprovât il discòrs a plene
de-l'omencin, ançi omenôn di sest. (pançe
Si fâs al magistrât fèrvide istançe
onde provid decrèt stachi ben prest.
Alore sussiegât ¹⁾ sençe esitançe
al verghe dodis riis di manifèst
che, sotoscrît cun cifre da sovrân
dei deputâç a' la consegne in man.

55. — Corevin chêi tre siôrs a dut
(galòp
al ciâmp marçiâl de tumultuânt uniôn
ma un al reste in-daûr per ciárt intòp
che ven clamât in bon lengâç balôn;
nò-l pò disgredeâ-si di chel grop,
e, mote dei compâgns la compassiôn,
un par bande lu ciapin sot i braç
e judan'-lu continuin il lôr viâç.

56. — A la fin scuviarzerin lis legions
fra il sí e il nò di rinovâ l'assâlt:
Malediscin, blestemin i talóns
parcè che oressin jessi lî in un salt,
asedin ²⁾, butin fûr quasi il polmôn,
travanâç dal sudôr cialin in alt
preând il cîl devòç che in chest frangènt
al ritardi l'atâch per un momènt.

57. — Dug ross e scalmanâç fin da
svintulin cu'-lis mans il façolèt (lontân
che, blanch come la nêv o dint di ciân ³⁾
per fâ-si intindi al ciatè imbote il dret.
Il zovin militâr e il veterân
dimostrin a chel segno un sant rispièt
preludi nel lôr ciâf di gran letiçe
spietând cu-l cûr in man legre notiçe.

58. — Al campo co-la strúscie son
dute colpe l'amigo difetôs; (rivâç
nò puedin plui, per tiare son sintâç
han bisugne di soste, di ripôs.
Sençe flât, pendolôn teginin i braç

1) Cun gravitât, sustignût. Vôs non registrade áncie parcè jè, spècialm. il verbo, di origine dote.

2) Sinònimò di sfladâ, asimâ: vocabul apene notât in Pirone. Puarte al scrîv azedâ.

3) La vós di paragòn assai frequènt: *blanch come un dint di ciân*, nò jé stade registrade.

j dül da la stancheçe il uèss-raibôs ¹⁾
e l'amigo che m'intindis del balòn
lu loghin bièl plancúc in caregòn.

59. — In maniere de jarbe sensitive ²⁾
si ravivin lis fuarçis e il vigôr,
j torne in cuârp la lene primitive
e il sangh ne's venis novamentri j scôr,
il clamôr prolungât e i mîl evive
j-u riscuòt dal letargo e dal sopôr
son in pîs dug-i-tré ³⁾, zirin i vôi
cumò che rinfuarçâ han i zenoi.

60. — Dopo 'vê fat il compliment di
al scomençe un di lôr a fevelâ: (usançe
conte la discussiòn de radunançe
e il motiv per cui l-ere vignût lá,
mostre cun rasòns d'alte importançe
il bisúgn di dà fin al uerezâ
prime che puçolènt brute cancrene
rosei la ciâr, il uèss, il fil de schene.

61. — Favelin dug-i-tré un a la volte
distirând un preambul eloquènt,
combinin di espressiòns scielte raccolte
con sicureçe onde otignî l'intènt.
L'esercit penetrât vaînd ascolte
chêi omenóns di un prodigiôs talènt,
e persuadût da lis rasóns adotis
la guere si finisc dute in carotis.

62. — Fra tang 'a-nd-ere di diviârs
che a nissùn cont podevin adatâ-si (partîc
erin chêi pòs di plui valôr ardît
che 'olevin novamentri cimentâ-si,
e fo in pericul l'ordin stabilît
da gnûv in chel momènt di sdavassâ-si;
ma il deputât custode dal decret
un corâgio al mostrâ ben maladèt.

63. — Orèssis-o cu-mò plombâ nel
cu'la vòs salte sù dut rivilît ⁴⁾ (poç? —

e per seguî il capric di pòs bambòç
calcâ la strade di un orènd delît?
Sarèss di gnove stampe un brut pastròç
che da lis leç presinç al-è proibit
e sebèn che cognòsc che vès rasòn
nò si pò cioli sòl sodisfaziòn.

64. — Lassait che al vadi il muss
(per la so strade
che del cîl il favôr simpri varès,
e cedînd ai galiòç la baronade
de l'onestât il premi gioldarès.
Sfoderând la justîcie la so spade
sentençe emanará che stupirès,
e Marín con dut l'ordin giudicât
a esempi universâl sará piciât.

65. — 'Oles-o fuarsi sanganâ lis mans
cu-l denigrâ l'onôr de la naçìon?
Nò puèdin arbitrâ nâncie i sovrâns
se pròvide han donât costituçiòn!
'Us tratarèss la stòrie di tirâns,
diventând dei nevòç esecraçìon.
Per carità doprait cumò judiçi
onde non tombolâ nel precipiçi.

66. — Il tribunâl con dute rigideçe
al tratarâ la colpe di Marín,
aplicherâ la leç con fuârt aspreçe
nel câs di chest delît sençe confin;
scloparâ il 'uestri cûr da l'alegreçe
viodin'-si secondât a dut puntin,
e ripiând il 'uestri siùn cujet
lis larvis ¹⁾ sparirân dal 'uestri jet. —

67. — A misure di most ²⁾ per 'vê
tignive il manifest per la riserve; (l'efièt
lu tire fûr e dopo 'vê-lu let
al si 'naquârz ³⁾ che ogni rigôr si snerve.
Pacifichs sentimènc, tornin nel pet
sparisc da dug ogni intenziòn proterve.
Il decret lei, rilei, spieghè, rispighè
e dal trop investi-si âncie lu sbreghe.

1) La forme metatètiche *raibôs* nò jè notade.

2) Jarbe sensitive non registrade forse âncie
parcè vòs dote o ritignude non popolâr.

3) Ducidoi l'è registrât ma non chest altri
vocabul compònnût. Nâncie *dug* al figure sebèn
usuâl.

4) Vòs non registrade.

1) Fantasme, spetro, imâgine paurose; vòs
dote.

2) Abondânt, vòs di paragòn che merte di sci
notade; in taliân si dirèss a misure di sèmule.

3) Prime leçìon: cognòsc pulit.

68. — Tornade in dug i cûrs la vere si abraçin e si bussin dal contènt, (calme pacifiche d'ulif mostrin la palme, né han provât dopo vîvs, sí bièl momènt. Za del gustâ l'odôr ognûn al ualme ¹⁾ in cûl avînd justîcie e pressidènt. Dute si sciòlz bièl prest la comitive e áncie iò par un pôch met jú la pive.

Ciánt quárt

1. — Tornâc i deputâc da la missiòn racontin lis fadiis e il sucedût, e come panorame descriçion fasin des circostançis per minût. Scrite in ciarte d'Olande, in bièl cartòn cuviárt in orientâl cremis velût, si presente l'acuse al tribunâl, acuse per esempi universâl.

2. — Cun chê istanze si viârz il pro-*urgentissime* scrit lungh une rie. (tocòl L'incaricât al-ûl viodi il fat sòl, e il numar destinât al quarte vie. Si registre l'acuse sençe bol de tasse il cûl esènt come la spie. *Ipsò facto*, l'afâr racomandât al zudiç de matèrie al ven puartât.

3. — Su l'esibît ²⁾ si pete un bièl (decrèt mandan'-lu cun premure ad *circulandum*, ordin sevēr che partorì l'efièt come foss del Gran Turch un *memoran*. Fin si trascore il protocòl sècrèt (*dum*. parcè 'l-è judicât *casus nefandum* decrèt che intîme in-bote di procedi e pròrogehe nessune si concedi ³⁾)

4. — Nò si fevele che di chest delit e si bute da bande ogni procèss:

1) Ualmâ od olmâ veramentri si riferisc a la viste. Un odôr pluitòst si usme.

2) Vocabul judiciari non registrât. Si intînt l'at presentât a la autoritât judiciàrie.

3) Prime redaçion: e che grâcie nessún pue di intercedi.

du'-quânc i conseirs da ciâf a pît viodin sol cûl e il delituôs ecèss. Ven cun rigôr dal Pressidènt prescît che ognûn al presti l'òpere indefèss, mentri si trate d'une cäuse grande, per l'univiârs sentençe memorande.

5. — Il dí si stabilisc, ançi il momènt che si trati la cäuse in plene udiençe; prontin la sale pe'l dibattimènt, sale che infònd profonde riverençe, lá che la toghe sacre al zuramènt pronunziará sençe rancôr sentençe, sentençe di une colpe di gnûv coni sugeride a maliçie dal demoni.

6. — Si lei l'acuse a l'infelîç Marín destinând l'avocat a la difese. Il paçiènt mal si adate al brut destín racomandând a Giove la so sfese. Consulte il difensôr causidich fin, onde condusi a felîç puárt l'imprese. Si consumin fra lôr in segreteçe tre dîs intirs a preparâ la breçe ¹⁾.

7. — Su l'orîzont la stele matutine si mostre scintilânt di un bièl sflanbôr ²⁾, foriere di chel dí, di chê matine che ven tratât de la contee l'onôr. Si trascore ogni cure citadine onde a timp ciapâ sît, fin cu-l lusôr corin dug al salón cun gran premure né si ciate plui uèide une frissure.

8. — Stivâc come sardelis nel salón spietarin par un pièc il bièl momènt. Regale qualchi sburt opûr pes-ciòn per fâ-si largh un qualchi impertinènt, e se 'a-nd-è qualchidún con il balòn si ciate ne-la smuarse come strent. Son strucâc e in-macâc ³⁾ a tal ecèss che tang si macolarin dug i uèss.

1) Non registrât nè breçe nè brècie

2) Non registrât e nâncie sflandôr, sfiandôr, fiandôr.

3) Non registrât.

9. — Segne il quadránt lis nuv e
(za i uscirs
si fasin largo cu-la verghe nere ¹⁾)
al-entre il Pressidént cu-i conseirs
e de la Cort la comitive intere.
Son dug logâc a sit, sôl i portîrs
zirin intôr cun imperiose ciere,
onde non nasci tra une tante udiençe
qualchi câs petulánt, qualchi insolénçe.

10. — Han de la leç in cuârp tante
(matêrie
che i zudiç sudin leç par ogni bande,
han voltât, rivoltât une masêrie
di codiç d'omenòns di fame grande;
par lunghe e par traviârs la Chine ²⁾ intêrie
han scorude, la Meche ³⁾ e infîn l'Olande
striçând par dut i bogns legislatôrs,
de l'Antich Testamént áncie i dotôrs.

11. — Preparade in tal mud la deci-
sence mácule ciárt 'e salte fûr (siôn
taponâd da la leç ogni ciantón
in pedane ⁴⁾) si públiche sigûr.
Al ven dut apojât a la rasòn,
a l'imbroi cheste volte al cole e al mûr.
Sú, da brâvs conseirs, fait un judiçi
che del 'uestri savê puarti l'indiçi!

12. — Ma come che dal Codis l'è
(prescrit
che assisti il reo de cause 'e trataçion,
cussí il puar cûl assicurat pulit
logât al ven su aposit ciadreòn.
Za lu spietais cu-mò dut avilit
cu-l ciâf sbassât e plen di confusiòn,
e quasi reo di Stât o-pûr sicari
ai zudiç presentâ-si in stât precari.

13. — Ma nò, francón con dute indi-
(ferençe
n mu se al ciale dug che ognún stupisc,

1) E doveva sei, une insegne de' autoritât,
che ricuadave il fasc di bachetis dai litôrs, uficiâi
adêc ai judiç româns.

2) Prime leçion: Grèce.

3) » » la Pêrsie.

4) Pedáneo l'ere sot Rome imperiâl un judiç
agiúnt al magistrât par istruî lis cáusis civils.

e savínd che il talént e l'eloquénçe
in so difese l'avocat unisc,
prèsago za de l'assolvént senténçe
al si complâs, al rid ançi al sgagnisc.
Si movin dal contént dutis lis grespis
istèss che lu becassin tantis gespis.

14. — Trist si s-ciadeni acusatôr
e quáng deliç malície umane cree (furènt
incolpi pûr a un cûr che al-è inocènt,
Giove al protêz un'ánime non ree,
ed a perpétuo dei maligns tormènt,
virtût fâs splendi cun serene cee;
tal il cûl che cosciençe (oh sorte rare!)
come aghe di lambích ¹⁾ al veve clare.

15. — Come talvolte con prodígio
i rais de lûs riunisc lint di cristâl, (tant
tâl lui, operatôr di un gnûv inciánt,
in sè racòlç il voli universâl.
Part j ciatin la muse di furfánt,
viodin altris idee sentimentâl;
cui ciale des ganascis la blancieçe,
cui dute ciolte insieme la beleçe.

16. — Il General procuratôr sevrè
al-ápliche la pene a dut rigôr,
cite articui, parágrafos invèr
che fasin sgrizulâ, met in terôr
e risolût ne's conclusiòns e fièr,
ciatánt tipo Marín del disonôr
che avínd tentût a un publich l'omicidi
lu abandone a la leç del paricidi.

17. — Come 'l-è di consuèt, il Pressi-
esámine fin l'ultin testimoni. (dènt
Deponin cuintri l'infelìç Marín
doi Pepis ²⁾ doi Martins e Perantoni.
Trai partît l'avocat in tâl momènt
onde fâ interrogâ Blasût e Noni
che a norme rispuindínd dal desideri
de la calúnie indebolisc l'imperi.

18. — Ma za il silénçio si intime; e
començe de tribune a perorâ. (l'avocat

1) Aghe distilade.

2) Josèf.

Cun bòcie aviarte e sençe tirâ il flât
al reste ognûn cidin par ascoltà,
e sôl il cûl che al-ere rafredât
ogni tant si sintive a starnudâ,
dut l'ajar ere colpe de presòn
che, sençe lastris, veve lu balcòn.

19. — “Da-ché il soreli al nasc e
(dopo al mûr
“une calúnie tâl si é mai sintude;
“pâr sconquassât il mond in tant sussûr
“e la cujete nel creât piardude.
“Delit si clame un'espansiòn di cûr
“a sôl solêv de l'ânime otignude,
“un solêv che l'art mèdiche procure
“onde alontani l'om la sepulture?”

20. — Cun chest esòrdio persuasiv
l'orator eloquent la tratación. (scomence
Di spade-trate al dis ch'è un'insolence
dei diric naturai la violaciòn,
che il cãs nassût nò mèrite sentençe
mentri il timp l'è piardût sençe rasòn,
che a tuart tignût di sortilégio reo
in Egit al sarèss un Semideo.

21. — E la stòrie scorind dei fasz
rinfuarcè cun fineçe la rasòn, (umans
al cite mil legislatores romans
po' in Grécie al passe a esaminâ Solòn ¹⁾.
Dug analize in sèguit i Persians
e rimontand del mond la creaciòn
al fâs cognosci che di Adâm in ca
ere stât permetût il pedeâ.

22. — E se delit si clame une soflade,
che da la simpri pròvide nature
a vèr solêv de l'om ha destinade,
al mond umane nò si dá creature
che non cognosci l'ânime maglade
di tante colpe visionarie e impure,
ciatând in chest malân sôl diference
che cui la comèt fuart, cui cun paciënçe.

23. — Ancie Marin par fâ-le silençiose

in vore l'ha mitût dut il talént,
ma fuarsi dal so ben trop invidiose
bârbare sorte contrastâ l'intént;
opûr dal vè-le fate clamorose
donâ si devi sôl a l'acidént
dal jessi stât sintât su d'une bree
che fâs sinti sonore la coree.

24. — Non cussí al nasc quând che
(prurit al ven
a la dame nel palch di fâ un biél pêt,
proviòd prestan'-si il canapè al dissén
ciate cun art di s-ciafojà-lu il dret,
e scodolan'-si con un pôch d'inzen
lu mande fûr a mode di soflèt,
che, piardût fra lis pletis del cuscín
a l'idee corispuind il so destín.

25. — Se po' al difònd une fragrançe
che acusi cuintri voe che al-è vignût (tâl
il proverbio de l'ûv tant generâl
de gialine che ciente al-è nassût
fasind tigni un silençio universâl,
il genitôr cuviarz del sucedût
e il cavalir servént sufrind in pâs
oltri a la viste divertisc il nâs.

26. — Sucedin dei malâns di conse-
la frissure del cûl tignind siarade (guençe
i pêç amutinâç per la violençe
jescin fûr cun teribil scrosopade.
Marcial d'Etòn ¹⁾ la stòrie ha ripuartade
che un dí fasind a Giove riverençe
un pêt di tâl misure lassâ lâ
che il Campidoglio infir fasè tremâ.

27. -- Son tang di lôr che per ri-
(spièç umâns
siarin barbamementri al flât la strade,
ma sogete la ciosse a mil malâns
da dug i sièt sapiéns ²⁾ ven condanade,
mentri propri operând da vèrs babâns
la vite par tant pôch han azardade,
come avigní a l'imperatôr Tiberi ³⁾
che nò podind pedeâ piardè l'imperi.

1) 'T-al epigrân 77 dal libri XII.

2) (620 - 650 av. Cr.) Solòn, Talete, Pitâch,
Biantè, Chilòn, Cleobul, Periandro.

3) Cláudio Tiberi Neròn (42 pr. di Cr. -
37 d. Cr.).

1) Famòs legislator de Grécie (639-559 a Cr.)
che l'ha dât ad Atene une gnove costituciòn
basade su la divisiòn dai citadins in 4 classis.

28. — E se colpît chest infeliç de per scimiotâ l'imperatôr român (muârt entrât ognûn del so dolôr a part se nò-l-ha plui che l'ânime di ciân, in at, dirèss, di compassiôn, soi ciart a la tombe, passând, di chel babân: "Al ripose culî chel puar minción che per un pêt al vísite Plutón „¹⁾

29. — Oribil câs nassût in un convît che Cláudio imperatôr al imbandive²⁾: plen d'imprudènt riguârd un favorît barbaramentri un pèd siarâd tignive³⁾ ma con la muârt dal cîl al fo punît mentri in ciase il nemî non convegnive⁴⁾ e la fieste, il convît e l'alegrie in totâl si cambiâ melanconie.

30. — Provid alore meditâ un decret ogni ulteriôr per evitâ malân, che si podèss pedeâ sençe rispièt foss-jal sudît presînt, opûr sovrân. — Grand'-ânime sublim, se-al benedèt! fuârt esclamave il popul dut român: se nò crodis a mi, per testimoni 'us citi di chest fat Públio Svetoni⁵⁾.

31. — E cumò si orèss'vè-lu lapidât di popul a furôr, benchè inocènt! is-al il premi chest da lui mertât par 'vè-si contignût da vèr sapiènt? mentri, franch operând, l'ha sparagnât fuarsi un mâr di malâns in-tâ-l momènt, ciatând pe' vesce, sençe fâ-us ofese, tantis voltis asprissime contese.

32. — Ma in chest secul di fiâr e (impertinènt a l'infâmie un bièl flât ven condanât

o al plui per grâcie, o per favôr clemènt cu-l voli del diprèç considerât sogèt si ten da burle, o indiferènt. Ma la flame seguînd de veretât ben cognoscînd i Paladîns di France¹⁾ derin al pêt quâl foss la so importançe.

33. — A Caen²⁾, çelebèrime citât, dodis di lôr pensând al ben de vite memorabil fondarin societât che dei franchs-pedeóns, vignive dite; sventolând il vessîl de libertât la sogeción fra lôr ere proscrite: leç, statûç, discipline rigorose formavin base 'e societât famose.

34. — Nel zardín il plui bièl de la (nature di adunânçe ere il luch e d'ogni vore; cu-lis sôs mans pareve che la cure 'vess vût di pastanâ ogni rose Floré. Mormoravin ruscei tra la verzure, sciolzevin ucelûç la vôs canore, che Alcine³⁾ istesse l'isole inciantade cu-l zardín deliçiôs varèss mudade.

35. — Ai tîmps antîchs il pêt ere mentri d'Egît il popul laboriôs (onorât e altâr e tèmpio j aveva edificât e sot un rit austero e rigorôs ere in Pelùsio⁴⁾ il cult esercitât, traînd dal jesci planch o clamorôs un auguri i Româns o in mâl o in ben per il cîl burascôs opûr serèn.

36. — E vo-altris clamarès un'inso-parcè con dute l'espansiôn dal cûr (lence un auguri 'us ha fat con eloquènçe e amutinâç cun scandalôs sussûr cun trágiche crudèl indiferènçe,

1) Fradi di Giove e di Netún che l'ha ricevût il regno da-l'infîâr, e la padronânçe dal mond soterani.

2) Prime leç.: Che César Cláudio al a so cort faseve — plen d'imprudènt riguârd un favorît.

3) Pr. leç.: barbaramentri siarâ un flât l'oleve.

4) » » mentri in ciase nemî tigni a nò-l'ave.

5) Cáo Svetônio Tranquil (70 - 140 dopo Cr.) che al detá la Vite di XII imperatôrs o Cesars.

1) Cavalîrs che armâç e a ciavâl ziravin il mond in cèrcie di aventuris in difese des fèminis, dai débui e dai oprèss.

2) Capolûg dal dipartimènt di Calvados in France cun 45000 ab.

3) Alcine sùr de fade Morgane e di Armide. Si viodi l'*Orlando Furiôs*.

4) Citât fortificade a la fous plui orientâl dal Nilo.

Caligole ¹⁾ emulând ne-l-anim dâr,
oressis muárt un om che al timp passât
oltre il premi al sarêss divinizât?

37. — Ma 'o viôd lis ombris a sortî
fûr dal cupo soggiorno tenebrôs (a miliôns
de lis passadis cèlebris naçions
per vendicâ un delît tant clamorôs,
e businând intôr come grivons
di dí e di gnot robâ-us ogni ripôs,
talché maledirês l'ore, il momént
di 'vê sacrificât chel puar paçiënt.

38. — A Sisifo ²⁾ ce zòvi-al sospirâ
e pentî-si trop tard del so misfât?
di rive in sù une piere rodolâ
l'imutabil destîl l-ha condanât;
a Tántalo ³⁾ ce zòvi-al lagrimâ
cumò che da la sêt l-è tormentât?
Sês in timp ancjemò, se vês judîci
per evitâ l'oribil precipîci.

39. — O abitanç del taciturno regno
fermâi'-si lá che sês áncie un momént,
Sesostri e Tolomeo ⁴⁾ placait lo sdegno
cuintri chest popul plen di pentimént;
e tu Cláudio del Tévere sostegno
la vendete depòn, l'odi furènt
mentri contrît chest popol del passât
arossisc a l'idee de-l'atentât.

40. — Chêi spirîç ubidiènc a la mê
imòbii tant che stâtuis son restâç (vôs
sbufând per altri come i vinç furiôs
da Éolo ⁵⁾ ne la grote inciadenâç
spietând di s-ciampâ fûr precipitôs
qualore da vendete sein clamâç,

1) Caio Cèsare Caligule (12 - 41 dopo Crist)
imperatôr román mat furiôs e crudelissim.

2) Condanât a rodolâ un clapòn fin su-la
cime di une montagne dulâ che nò-l rivave mai,
parcè che il clapòn j brissave jú e al doveve
tornâ a rodolâ-lu sù.

3) Re de Lídie, condanât al suplici de fan e
de sêt eterne pûr in presinçe da l'aghe e di
spléndidis pomis.

4) Non dai res grêchs dal'Egît che han regnât
da l'an 305 al 30 prime di Crist.

5) Secònd la mitologie, Giò dei vinç.

strage puartând, orôr, desolaciôn,
sençe luch a pietât e remissión —.

41. — A piture 'sî vive e 'sî espri-
si sintî d'ogni bande a ciscâ. (mènt
Part per terôr e part per sentimént
si vioderin des lágrimis a colâ,
dug erin convulsión e un cricamént
di suelis improvís si palesá,
che quasi une somosse diventave
se la leç il silencio nò intimave.

42. — Su lis alis per altri del pen-
a s-cialârs i progèç fantasticând (sir
dei zudiç ogni moto, ogni respir
cun voli interessánt fiss osservând,
e al gran Tonánt rivòlç con un sospir
des fèrvidis prejeris compagnând,
onde j mandáss qualchi cavil in ciâf
per liberâ da tant flagèl chel sclâf.

43. — Vêr o falsc il delît, fate l'acuse
quând la fuarce del reo ten il possèss
stratageme non vâl, non zove scuse
par jessi liberât sençe il procèss.
Sei pûr di siôr o di pitòch la muse
la leç indiferènt nò fâs riflèss.
Cussi al restâ chel popul in balençe
titubânt fra il timôr e la sperançe.

44. — Gènio imortâl de la naçion
invidiât, adorabil oratôr ¹⁾ (latine
fo la to lenghe mágiche divîne
che la Pátrie salvá da un traditôr,
che cuintri l'esecrabil Catiline ²⁾
plui d'un esercit incutè terôr,
che avilît, confondút e squintiât
il veneránt abandoná senât.

45. — Tu in favôr di Ligário ³⁾ pero-
di Cèsare vincevis la dureçe (ránd

1) Marco Túlio Ciceròn (106 - 43 pr. di Cr.)
oratôr, filòsofo e om di stât famôs, une des glòriis
de repúbliche romane.

2) Lúcio Sèrgio (108 - 62 pr. di Cr.) plen di
debiç, che l'oleve con une congiure gambiâ il
sisteme di guviâr che al-esisteva a Rome. Ciceròn
con un famôs discòrs al senât (catilinárie) al rivelá
la congiure e la fasè aburti.

3) 'E jé la plui biele difese di Ciceròn par
otignî da Cèsare il perdòn a Quinto Ligari.

e la condane da lis mans colánd
dug i segnos al dè di tenereçe
per cui la fame per il mond in grand
si spandè de to mássime prodeçe,
unich vantánd il non di domatôr
de l-om de l-orbe intîr trionfatôr ¹⁾.

46. — Ma vantà nò tu pûs cun to
con un semplic pinsîr di 'vê ispirât (rossôr
a un timp la tenereçe ed il terôr,
e un popul furibònd di 'vê amansât,
un popul tâl che per il pont d'onôr
fin jet e cene al veve abandonât.
Gênio imortâl, par caritât, perdone,
ma Spechnedel ti usurpe la corone.

47. — E se Marin pûr sclâf de so-
cu-la palote i flâç 'vess ingrumât, (geçion
e costrèt de violençe in un sôl ton
a dâ lusôr a un gâs trop inflamât,
cui sarèss garantît che a chê esplosiòn
dut l'edifiçi intîr non foss crolât
schiçánd e sfracajánd miseramentri
quáng citadîns erin unîç lâ dentri?

48. — I principis odiánd de la rasòn
come s-ciampe la çüite dal lusôr
da stupiç ignorais la cogniçion
quál fuarçe vevi in físiche il vapôr,
quánd che siarât tignût par compressiòn
aquistè ne-l sfogâ-si di terôr,
che nò-l-è teremòt, nò-l-è vulcân
che fasi paragòn a chel malân.—

49. — Soflât il nâs e dade une spu-
continue l'oratôr a perorâ, (dade
in-mèns, meraveôs in tâl zornade
quasi un Dio trasformât nel fevelâ,
cumò ponzint come une acute spade,
poi dolç come la mil argomentâ,
cumò precipitôs tant che un torènt,
poi placid come il ueli in un momènt.

50. — L'art possedeve e la malície
nel centro d'ogni cûr par penetrâ, (vere
come zèfiro al fâs di primevere

1) Giúlio Cèsare.

quánd jesc gaiôs su-i prâç a zugulâ,
su d'ogni flôr, su d'ogni rose impere
movin'-ju a so capriç di ca e di lá.
Tâl Spechnedel l'udience dominánd
a so talènt il mond leve ziránd.

51. — Brilánt un'adunance e spiritose
dopo ridût un pièç e ciacarât
osserva a un trat silénçio da Certose ¹⁾;
per cerimònie, part tegnin il flât
un altri par timôr siare la gose,
cui da stancheçe e cui par civiltât
tasin un-móng infin per ignorance
cidine è in-some dute l'adunance.

52. — Un pêt di mascli ton e di
partorisce improvvis une persone; (valôr
sord mormorio si spand subit intôr
preludi che il silénçio si abandone,
novamentri a la lenghe ognún ricôr,
si critiche, si rid a si bufone,
eco rot il silénçio, eco provât
che utilissim l'è il pêt in societât.

53. — Asprissime si impie fra doi
avampin da vendete rabufâç (contese,
començin cu-la lenghe a fâ-si ofese
sbelein, crustin i ding ispiritâç;
corin di band i amis a la difese
mentri un vulcân di fûch son diventâç
eco dal fodri za i curtisc son fûr,
uelin vedê-si ognún di lôr il cûr.

54. — A la vîlie del sangh e de
(l-orôr
spiete ognún sgrizulánd teribil scene:
portentose coree si fâs lusôr
congedadè da un cûl di buine schene ²⁾:
ogni risse si tronche, ogni livôr
tornánd la calme plácide e serene.
Tâl Netuno, ³⁾ scuotind il so tridínt
aplane il mâr e tranquilize il vint.

1) Convènt di fraris certosíns istituîç nel 1084
da San Brunòn di Colònie, che al fondá la
Chartreuse donge Grenoble in France.

2) robust: mûd di di non registrât.

3) Dio italich de aghe curínt e dal mâr.

55. — Un malât da Esculâpio ¹⁾ aban-
(donât
sui paradôrs di dâ l'adio a chest mond,
triste la spouse, il fradi disperât
atindin scardufâç l'ultin secônd;
sglicjâ rumorôs si sint un flât
compagnât del sospîr del moribônd,
subit rinâsc un râgio di sperançe
bon auguri traînt de circostançe.

56. — Ses-o conténç cu-mò di chel
(che hai dit
onde provâ la' uestre maldicence?
Ce-mût oles-o calcolâ delît
un fat che ha partorit la sol sapiençe?
E' 'vês, seguînd un malfatôr partît,
di Marín insultade l'inocence
che, vîtime de 'uestre fantasie,
al piardará par simpri l'alegrie.

57. — Che 'vês ciôlt une verze per un
sûl confessait a ches-c paris togâç, (râv ²⁾
e che pentîç dal 'uestri fal ben grâv
liberâ olês Marín da l'imbarâç;
alore chest consêss e just e brâv,
i 'uestris desideris secondâç,
assolverâ cun gran triônf Marín
tornan'-lu al mond e pari e citadîn. —

58. — Oleve continuâ la so oraçion,
ma il Pressidênt fâs segno di fermâ-si:
— La nestre etât — al dîs — e la mansiôn
han bisugne cumò di sollevâ-si.
A un Vesúvio di leç e di rasôn
nò si pò tant a lungi simpri sintâ-si
e di un tant avocât a la fineçe
la nestre pançe è lade in deboleçe.

59. — Triturade la nestre colaçion
dal mazanín del magich parlatôr,
i miei coleghis dug han intençion
di ridonâ a lis fuarcis il vigôr
se nò la science patirêss da-bôn
provând il nestri stomi un gran languôr ³⁾;

1) Dio pagân de uarigiôn che i Grêchs cla-
mavin Asclêpio. Al veve une vore di têmpios.

2) Proverbi non registrât in Pirone.

3) Prime leçion: malôr.

dúncie puartait sul fat la ciocolate
che sei cu-la vaníglie e assai ben fate.

60. — Si cioli un brêv ripôs di une
(miez'ore
onde tornin a lûch du-quáng i uêss
e butín, per un pôch, a la malore
la leç, il tribunâl e áncie il procêss.
L'avocât, rivignût cun vôs sonore,
la cause al tratará con plui intêress,
e respirât avind áncie l'udience
la dote spieterá nestre sentençe. —

61. — Un solevan'-si al toss, l'altri
nel concedût brevissin intermiêç, (starnude
cui giave la velade e il ciâld distude,
cui sofle il nâs per façolêt cu-i dêç;
e l'avocât, ne' trêgue concedude
qualchi domande al so cliênt dirês,
e qualchidún infin plancúc favele
il cûl incoragiând in-té-l'orele.

62. — Ognún a so capriç e a so ta-
al cêrcie ravivâ la stanche lene, (lênt
sclarisc il flât e l'ofuscade ment
per assisti al conflît cun front serene;
e profitând iò pûr di chest momênt
mángiarai ne-la grêpie un po' di vene
e po', montât su-l Pêgaso Ciavâl ¹⁾,
il restánt contarai o ben o mal.

Ciânt quînt

1. Il Pressidênt al sune il campanêl
indiçi che la trêgue jê finide,
torne il silêncio a compari biêl-biêl,
e l'avocât a perorâ si invide.
Da-gnûv l'udience tire jû il ciapiêl
e la paçience novamentri sfide,
ûl sintí del discòrs principi e fin
mentri salvât da-vêr brame Marín ²⁾.

2. — L'uscîr majôr al zire intôr il
per cui ridone un'esemplâr cujete, (voli

1) Ciavâl alât nassût dal bust di Meduse
quan'-che Pêrseo j cionciâ il ciâf.

2) Pr. leç.: ûl sintí del discòrs dute la trame
mentri salvât Marín da vêr lu brame.

nò si môv une man, non un zenoli
e si met fin il flât in-té sachete.
De l'orator la lenghe pâr che svoli
nel pronunçiâ concêç di ment perfete,
e la brene molade de l'eloquenze
un'altre volte il so discòrs scomence:

3. — Filosofichs e storichs argomenc
ha distirâç ¹⁾ la s-ciarse mê dotrine
ma cu-mò che il bisúgn simpri plui strenz
sviluparai la lôgiche plui fine
lis armis sfodrarai lis plui potêç
maçarai ²⁾ la calúnie cu-la mine,
un'idre ³⁾ di cent ciâfs in societât
dî cûr pelôs e fêtide di flât.

4. — 'Us hai provât in convicent ma-
che Marín al-è pûr ⁴⁾ d'ogni delît; (niere
e cun lenghe cumò pronte e sincere
'us spiegherai de leç ogni dirît.
Persèguite il delît cun man severe
onde pûr vegni a dut rigôr punît,
simpri per-altri ha fate distinçion
fra delît in nature e l'intençion.

5. — Su-l-ôr d'un tet ciamine un mu-
per distrigâ ju afârs del so mistîr, (radôr
j smuçe un cop di man nel so lavôr
e jú colând al maçe un passazir...
Is-al chest un delît di dâ-j valôr
un acidènt nassût mâl vultîr?
La sostanze del fal è manifeste
ma il câs presint lu fâs mudâ di vieste.

6. — Su-l dirît naturâl un folch di
han favelât e scrit fuârt abbastanze (autôrs
Tissôt ⁵⁾ in ragionât e lung discòrs
ha decidût che in câs di mal di pançe
si devi prontamentri dâ socòrs
se áncie il rimiedi al sei sençe creance.

1) Prime leçion: svoluçât.

2) " " brûsarai.

3) L'idre di Lerne dai cent ciâfs a cui Èrcole
al tajâ e al schiçâ l'ultin, unich inmortal, sot
une gran pierre.

4) Prime leçion: priv.

5) Simòn Dree Tissôt (1728 - 97) di Grancy
(Vaud) muârt a Losane, miedi e scritôr.

Viodis duncie che il miedi e la nature
del cûl difindin l'inocent frissure.

7. — Il dirît naturâl sevêr condane
il suicidi tentât ne-la persone,
e di Giove la ment alte e sovrane
al Tártaro ¹⁾ l'autôr juste abandone,
e se Marín siarât ne-la so tane
al cresc chel vint di fuarçe tant barone
il suicidi par ciârt sarêss nassût
e par simpri cu-l'ánime piardût.

8. — Di Giustinián ²⁾ pûr áncie lis
su-l suicidi destinin Providence (pandetis
e favelând peráulis benedetis
emanin cuintri rígide sentençe.
Lis 'uestris intençions son maladetis
dal Cil, de leç, de pròvide sapiençe
e ciâminând del vèr dut al contrari
il giambar imitais cu-l tafari.

9. — Son nassûç de la músiche i siêt
dal benefici eletrich de coree ³⁾ (tons
in alç e bass dug concordâç i sons
conciârç mandarân fûr di meravee;
copiâç da chest violíns, flauç e trombòns
e quáng strumenc la societât ricree,
sorti dal cûl la mágiche armonie
che il mond intîr tratèn in alegrie.

10. — Mandave fûr i flâç a so talènt
ai tims di Zerse un gobo portentôs
cumò imitânt un belich istrumènt,
e cumò un cuâr di ciaçe fragorôs;
e il segno dave de l'ostîl cimènt,
o chel de ritirade clamorôs
quasi spinzèss l'esercit al conflît
per dopo ritirâ-lu se sconfît ⁴⁾.

11. — Un amulèt compâgn e' nò si
(ciate

1) In origine la presòn dai Titâns, po' il lûch
dei danâç al'infîar.

2) L'impera'ôr bizantín Giustinián I. (482 -
565) che al si è inmortalât cu-l publicâ il codiç
román fat nel 530-34 sot la direçion di Tri-
bonián.

3) Prime leçion: sòl de la coree.

4) " " nel prin sît.

cuintri del diaul, des maghis, dei strièç. Orácio ¹⁾ al fâs la naraçion esate che sveltis avodan'-si ai lôr sghirèç s-ciamparin disgludânt fin la çavate di Priapo ²⁾ al rumôr di ciarç soflèç Sagane ³⁾ con Canidie ⁴⁾ spaventadis quasi sençe flât e sangh restadis.

12. — Ce farèssin-o mâi chêi puars (fachîns) che une ciere di fiâr mostrin in front nel traspuartâ chêi pês dai magazîns se il favôr de coree nò vessin pront? *Peromano Corace* ⁵⁾ bruç destîns varèss provât pur trop par l'istès cont se l'invocade da lui sane coree secondade nò-j'vess su-l fat l'idee.

13. — L'antichitât stimave tant il pêt che Cremila, Aristofane ⁶⁾ e Marçîâl ⁷⁾ favelarîn di lui cun tant rispièt come al foss stât un semidio in-mortâl. Nicarco ⁸⁾ epigramiste in grech dialèt del provid pêt al fâs elògio tâl che a un gran monarche lui lu paragone vistût in maestât cu-la corone.

14. — Perdonai'-mi un momént la (digressiôn) per fâ-us viodi ne-i sècui trapassâç quâl foss la stime e la veneraçion

che vevin par il pêt dug i scienciâç. Cialait chel cûl con dute riflessiôn, li viodarês in còlere sintâç per difindi l'insûlt un per culate il stoich Zenon ¹⁾ unît al cinich Crate ²⁾.

15. — Ben ricognôse dal pêt il sò la tant prosâpie illustre dei Pedóns (pedâl de, cui radris cun fame universâl ³⁾) sortirin potentissims omenóns ⁴⁾: Pedón Albonivân ⁵⁾ fo il ciaveçâl seguitan'-lu dopo doi talentóns Pedian Ascónio ⁶⁾ e po' Pèdio Secònd ⁷⁾ ad altris vot distînc nel mond.

16. — Lis provis e argomènc son a onde l'util provâ de la coree, (miliôn onorade da dug cun repetóns sintan'-si fin del re su-la ciadree; invisibil per-dût come i spiôn discôr ogni lengaç a meravee, destinade da Giove, sençe fal dei vivènc a sufragio universâl.

17. — Hai mostrât cun riflèss vîvs l'onôr del pêt e l'util manifèst, (abastânçe dividînd l'intençion da la sostânçe provând cumò minutamentri il rest:

1) Quinto Oraçi Flach (65 - 8 prin di Crist) famôs poete latîn.

2) Priâpus l'ere il dio de fertilitât dai ciâmps e dal besteâm domestic, tant dai Grêchs che dai Româns, nonchè de fuarçe fecondatrice maschil.

3) Sâga (da *sagire*, che l'ûl di 'vê une gran penetraçion di spirîç) ûl di maghe, sonâmbule che indivine o predîs la buine vinture. *Sagane* in Orácio l-è il non di une amaliatriçe.

4) Canidie, maghe famose di Rome antighe de quâl l'ha fevelât di spess il poete Orácio.

5) Corace di Siracuse, famôs rètore che l'ha flurît viârs l'an 466 prin di Crist.

6) Atenies (450 - 380 pr. di Cr.) del quâl nus restin undîs comèdiis intèriis.

7) March Valeri Marçîâl de seconde metât dal prin secul, poete epigramatich român.

8) Nicarcus, epigrafiste dal prin secul da l'ere cristiane, segnalât pe' sò abitudin a sbefâ. J son atribuiç 38 epigrâms.

1) Zenon di Citium 'te isule di Cipro, creatôr de filosofie stòiche, l'ha vivût cirche 300 ajns devânt di Crist. L'ha tignût daûr par trente ajns a la scuele di Cratete, Stilpôn, Diodoro, Polemôn e Sencrate poi l'ha viarzût scuele tal quarti clamât *Stoa Poicile* in cui l-esponeve un sò speciâl sisteme filosofich che al ciapâ non del lûch in cui al vignive esponût: quarti piturât cun quadris di Polígnoto.

2) Crates o Cratete di Tebe filòsofo cinich dal 330 devânt di Crist.

3) Prime leç.: de cui radris sortirin omenóns

4) » » che aquistarin la fame universâl.

5) Pèdo Albonivanus, amî di Ovidi che j'ha indiricât une epistule dal Ponto. Al fo poete del quâl si cognoscin nome framènc.

6) Q. Asconius Pedianus famôs comentatôr di Ciceron (ajns 3 - 88 dopo Crist), probabilmèntri di Pâdue, uârp ne-i ultîns 12 ajn de so vite. L'ha scrit al timp di Clâudi e di Nerôn. Son conservâç une part dai siei comentaris.

7) La famee dai Pèdio e ha florît 'ta-i ultîns tîmps de repùbliche romane.

— Si trate d'un afâr d'alte importançe
che il miò cervièl ¹⁾ svilupará bièl prest;
ué si ricèrcie une perîcie cúlîche
onde si rindi l'inocènçe públiche.

18. — 'O domandi che al vegni de-
pe' perîcie formâl un inzegnîr (stinât
e dopo atentamentri esaminât
per dret e per ruviârs de buse il zîr,
palesi al mond con pure veritât
che al-è impotént a tratignî il sospîr
onde cuintri l'aboride maldicènçe
trionfi il sant vescîl de l'inocènçe. —

19. — Cognussude ben juste la do-
al sune il Pressidènt il campanèl: (mande
che al vegni l'inzegnîr subit comande
cu-l compâss, cu-la square, cu-l livèl.
L'ordin sintût, l'uscîr per ogni bande
tant svelt lu va cirînd quasi un ucièl,
che, eseguide a la fin la comisiôn,
al torne a dà la juste relaçiôn.

20. — Subit fo pront a capitâ Ma-
tâl si clame chel publich impiegât, (drâch,
sot-abit veve zâl e ross il frach ²⁾
che, dopo rispetôs inchîn 'vê fat
il centro de l'inzén del gran Pitâch ³⁾
si met a esaminâ cun gravitât;
al tire sù i ravais sglonf e contènt
di distingui-si al mond in tâl momènt.

21. — Dut concentrât e di sudôr
(gotând
al dá principi a la sublime imprese,
cu-l sussidi de lint za al viòd zigânt
ogni ciantòn de profanade sfese;
ciale, palpe, sbisie infin-a-tânt
che propri a tuárt al la cognòsc ofese

1) Prime talènt.

2) Chest vocabul di orîgine francese, nò regi-
strât 'ta-l vocabolari, che l-è entrât da plui di un
secul 'te leterature furlane, al pò considerâ-si
ormai aquisît definitivamentri.

3) Si alûd a Pitâch di Mitilene (649-570 dev.
Crist) un dei sièt savis de Grécie, opûr a un
plui popolâr Pitâch che l'è entrât ta-i proverbios:
'Vê l'inzén di Pitâch... che al maçave lis mos-cis
cu-l cûl.

incolpând solamentri la nature
che trop debil j ha fate la frissure.

22. — No! mai Newton ¹⁾ (pron. Niu-
(ton) chel gènio sovrumân
l'astronomich sisteme sublimâ,
quânt di Madràch la portentose man
il sisteme culâr rafigurâ,
e quasi emulatôr del gran Tiçián ²⁾
lis fateçis del cûl ne-l piturâ
geometricamentri e cu-l dissén
che al-è il cûl, al provâ, sençe ritén.

23. — Finide a dut puntin l'operaciôn
ciolte la ciarte l'inzegnîr in man
cu-l dèt mostrând al fâs la narraçiôn
per fâ cognosci l'avignût ingiân;
ma al devi replicâ la spiegaçiôn
fra i conseîrs essînd qualchi babân.
Par miei viodê dopravin part i ociâi
né spetacul tant bièl 'a nò-l fo mai!

24. — Sord mormorio difônd intôr
curiosè di viodê l'operaciôn, (l'udiençe
dimostre premurose un'impaciènçe
per cognosi a puntin la descriçiôn;
ma tipo il Pressidènt de la sapiènçe
la fâs zirâ su-l fat per il salôn.
Ordene che l'uscîr si mudi in volte
stracan'-si un sòl nel fâ la zira-volte.

25. — Ognûn al fâs rimârchs a so
(talènt
per lunghe e per traviârs su-l fat dissén,
ma convegnin du-quáng che a-l-è un
esaltând di Madràch al cîl l'inzén, (portènt
né si ciate fra tang un malcontènt
aprovând l'operât a consèns plen,
evivas inalçând a mîl a mîl
e ringraçiând di un tant favôr il cîl.

26. — Pûr qualchidûn ciatan'-si titu-
intindin sincerâ-si per minût, (bânt

1) Isâch Newton famôs matematich e fisich
inglês (1643 - 1727) al stabilî une teorie mecâ-
niche e fîsiche del sisteme planetari basade su
la leç de atraçiôn universâl.

2) Tiçián Vecèlio di Plèv di Ciadovri (1477 -
1576) il plui grand pitôr de scuele veneçiane.

domandín al consèss che su-l'istánt
l'esám del cùl j vegni concedùt,
e' ciatin il confrònt ram importánt
per meti il cùr in *pàs d'ogni càs brut.
'Uelin viodi del cùl il cisindeli ¹⁾
come si ciale un damerín nel spieli.

27. — Chèi del consèss si cialin fra
per viodi di concedi la domandè; (di lór
ma si alçe il Referènt e pront discòr
che: — ciárt sarèss dificoltàt ben grande
se vessin di zirà du'-quáng intór
il cùl a peritá per ogni bande,
mentri larèss a lungh une zornade
prin che foss la facende distrigade.

28. — Guai che a un sòl la do-
(mande si permeti
che j salte in ciáf a dug la ciosse istesse;
subit, coleghis miei, sú si decreti
une leç che in eterno resti impresse.
Il publich dal consèss ciárt si rispeti,
ma l'esclusión del cùl è a nò concesse,
e per cui sortirá la gran sentençe
mescedade de code de sapiençe. —

29. — Doverin adatà-si al compliment
ritignínd il sanglòç a mieze gole.
La leç è tant severe e tant potènt
che cuintri nò si dís sílabe sole,
né vâl costitución in tál momènt
a-ben-ché murmujaassin tra la fole
e guadagnâç chei pòs da la rasón
spietarin di bon cùr la decisiòn.

30. — Sapientissime Cort — dis
(l'avocat —
il miò discori al-è cumò finit,
contént di 'vê cun argomènc provât
che purgât 'l-è Marín d'ogni delít,
mentri viòd il miò assúnt corborât
da l'inzegnîr che il vêr al-ha descrít,
ben sigûr che da vo, paris coscrít,
nò sortirá sentençe da futíç ²⁾.

31. — E vo-altris, udiènçe rispetos:

1) lumín, píçule lámpade; ven. cesendeli.

2) çavatín, uaste-mistîrs.

'o cròd di 'vê operât quánt hai podùt.
— La me oraçión jé stade clamorose
ma simpri l'inocençe hai difindùt.
Podès vivi sigûrs che mai redrose
sará del cul la sorte al sucedùt,
ançi ciárt presagísc cun vere glòrie
che varín de calúnie la vitòrie. —

32. — Del fisch il generál Procuratòr
al possèd la peráule un'altre volte,
penetrât des rasóns de l'oratòr
la cosciençe scrupulòs ascolte;
de pene inflite al mítighe il rigòr
citánd di sacris leç altre raccolte
e mitigánt, come 'us hai dit, l'aspreçe
condane il cùl tre mès sol in forteçe.

33. — Il difensòr fâs curtis conclusións
onde anulâ la gnove inflite pene,
e ribadì lis dèbolis rasóns
leadis del cavíl cu-la ciadene.
Ingrampe pòs concèç e riflессиóns
per meti al fisch il muárs armât di brene,
e sujan'-si i sudòrs, soflât il nâs
fat rispetòs inchins, si bone e al tâs.

34. — In mièç de sbare al comparísc
par serví di telègrafo a l'udiençe, (l'uscír
mòv cu-la man la verghe nere in zir,
e, fate rispetose riverençe,
anúnçie che il consèss al va in ritír
par pronunçiâ la cúliche sentençe;
al racomande di bandì il sussûr
onde rosei la cort il crustín dûr.

35. — In gran sussiego si alçin i
onde passâ ne-la contigüe stançe (togâç
dulá che tratarán, dug concentrâç,
la matèrie di tant alte importançe.
Lascín-j-u li cumò dug-quáng siarâç
onde ben digeriscin la sostançe,
e restánd nel salòn cu-i spetatòrs
farái cun lór partide di discòrs.

36. — Un mi ciape pe' man, l'altri
(pe-i braç
cui mi tire il gabán, cui la velade
e fayelan'-mi cun miscliç lengaç

mi tegnì per il stroligh de zornade.
— Tu che des musis bevis nel botàc
svele la giudiciàl dote sintade,
Apolo ti spalanche la tindine
sú! giávi-nus dal cûr l'acute spine. —

37. — Amatissims amîs, confradis
(miei,
nuje nò puèsc contâ-us che al sei precis.
Se intindudîs lis leç son per il miei
sentençe sintarin di paradîs;
cumò falâç son i provèrbios viei
e dut chel che si cròd, dut si disdîs:
si júdiche pur-tròp a pûr capriçi
né puèsc dâ-us di chest fat sigûr indiçi.

38. — Ma olín sperá che Giove oni-
che protès justamentri l'inocence (potènt
ispirará al consèss un sentiment
di probità nel scrivi la sentençe,
sclarînd a qualchidûn l'otuse ment,
mostránd il fât con dute l'evidençe,
e trionfi il vescîl de la justîcie
salvân'-si da lis sgrifis de malîcie. —

39. — Secònd il ciâf sucedin i discòrs
che dug ju astànç distachin fûr dal pet,
di zai, di blanchs a del prisme cui colòrs,
di zentil, di bazòt, di brusch aspièt.
Favelin cun calôr pitòchs e siòrs
a nome dei autòrs che vevin let;
qualchi questîon di leç si rapresente
e cuintri e pro mescedín la polente.

40. — A proposit cu-mò cápìte in
il *petorali-caldî* cu-l mastèl, (pont
da un'altre bande si introdûs bièl pront
chel des gubanis cialdis cu-l cestèl,
sfojadis cu-l persút fatis cu-l'ont
e il luvín si mescede al biscotèl;
al-è il crocánt, la mente piperite,
che donin al sfinît novele víte.

41. — Forin invèr chêi golozeç for-
fo l'intermièç benefich e beât, (tune
mentri l'udiençe jere afât dizune,
strent il budièl e il marañòn ¹⁾ purgât.

1) Stomi, pançe, ventricul.

Nissún colâç né fritule nessune
viòd plui lusôr, ma dut fo divorât,
ere tant l'apetit, tante la fan
che crustaressin uèss e coreán.

42. — Tra chel rinfrèsch e qualchi
(ciacarèç
il timp si maçe sençe alcûn fastidi,
timp che atente la cort mescede i dèç
la cûliche matèrie per decidi,
che codiç rivolzînd, çupând decrèç
dug i legislatòrs clame in sussidi;
ma 'us devi abandonâ mal vultintir;
voi dal consèss vistût da cafetîr.

43. — Forme fiâr di ciavâl la verde
dulá che i conseîrs son radunâç (táule
dis in volte ognidûn la so peráule,
de la Sibile ¹⁾ i libris consultâç.
Da-ché l'esist il mond une tâl áule
e tang talenç nò forin concentrâç
che si pò favelâ sençe paure
erin mostros in-méns dug di nature.

44. — Ciolin dug un cafè per risveâ-si
avînd quasi la ment istupidide;
difícil la questîon a sgredeâ-si
la vevin fin cumò mal digeride;
une fumane ²⁾ al ciâf, un lambicâ-si
per licenziâ-le fûr bielesclaride.
Si pestavin cu-l pugn di spess la front
onde il judiçi in ciâf al-entrâss pront.

45. — Si viodin cassaturis su-la ciarte
e a sterp falit intôr qualchi spegâç,
cui veve un *visto* fat largh une quarte,
considerando un altri lunghe un braç,
ma cognossude la lôr vore stuarde
dut vevin sbridinât il scartafâç
e, ciolte cu-l compâss altre misure,
scomençavin atènç gnove fature.

46. — Fasin, disfasin, tornin a refâ,
scrivin peráulis fatis a zich-zach,

1) Profetesse che sot l'influençe divine pro-
nunçiaive orácul. Une des plui famosis jere la
Sibile cumane, val-a-dí di Cume in (ampánie

2) Scalmâne.

uelin sentençe dote schicherâ,
che si presenti al publich sençe smach;
cun ment profonde cercin di studiâ
il centro de l'inzén del grech Pitách ¹⁾
strusciin de l'inzeñîr su-l fat dissèn
onde a nicio ²⁾ il judiçi vadi ben.

47. — Han ingrumade in cuârp tante
(matêrie

judiçis di impastâ per tredis angn;
deventarèss l'Archivio une masêrie
dificil a logâ-si in dut il Cragh.
Si glonfe ai Conseîrs qualunque artêrie,
acrescînd il malân ancîe il lagâgn, ³⁾
ma Témide ⁴⁾ a pietât mote dal câs
discènd dal cîl puartând dotrine e pâs.

48. — Li cun prodigio ⁵⁾ la stançe
(iluminâde
per comod se la dive in chel momént
Iris ⁶⁾, per ordin so veve mandade
cu-i prismatichs colôrs (magich portènt).
Temi in façe al tribunâl sintade
netave ai zudiç l'ofuscade ment,
e infondin'-g-li la diáfane sapiençe
non podevin falâ ne la sentençe.

49. — Dug erin diventâc come zojei
da l'oresin leaç a plene lûs
ceavin ⁷⁾ di dotrine tant che spiei,
mandând la vôs tonadis d'arcabûs
ognûn al mande fûr i concèç siei
come la dîndie sburte fûr i ûs,
che mescedâc insieme come torte
nò salte fûr une sentençe a sorte.

1) Di Mitilene, (Isule di Lesbo) (649 - 570
prime di Crist) un dai sièt sapènc de Grécie.

2) Perfetamentri adatât.

3) Agâgn, cu-l-articul taçât.

4) O Temi, fie di Urân (il cîl) e Gee (la tiere)
personificaç òn, secònd la mitologie, del dirît basât
su-la consuetudin e su-la leç.

5) Leçion precedènt: Ere cun plasê.

6) O Iride, divinitât mitològiche che personi-
fiche l'arch di San March e che puarte i messâgios
dai Giòss. Si rapresente in forme di une zòvine
cu-lis alis che puarte il carduceo come Mercúrio
e une bocalet, cun-tune rose.

7) Leçion precedènt: lusivin.

50. — Za stampin lis ideis sençe
impastanadis di Temi cu-l sussidi (postilis
e sbrissând i pensîrs sicome anzilis
sençe timôr nissûn puedin decidi.
Son svelç i conseîrs tant che cisilis
sentençis concepînd sençe fastidis.
Han ciatât in sachete il secul d'aur,
possedin de la sciенçe ogni tesaur.

51. — Si pete jû il judiçi in pòs istânc
d'acordo ne-l'uniòn dug i togâç
ciârç di non cioli cheste volte un granc,
su-la ciadree de sciенçe ben sintâç
mentri i detâms seguînd plui sacrosânc
han del cûl i dirîç esaminâç.
Eco bièl prest za la sentençe fate,
judiçi che larâ mièç per culate.

52. — Un pôch il tasanari disdult,
jevî i conseîrs da la ciadree,
spachin la toghe po' movînd il pît
favelin fra di lôr cun meravee
di 'vê cu-i lôr motivs tant ben colpit
un tant sogèt, che a stent si disgredee
avînd une questiòn uè decidude
da mîl dificoltaç ciârt componude.

53. — Al spalanche l'uscir da gnûv
(la puarte,
onde intimâ il silènçio un'altre volte
a la vôs de la leç sonore e fuarte
l'udiençe obedientîssime si volte.
Cu-la verghe di mago al fâs rifiarte
che la questiòn il Tribunâl ha sciolte
e che sintât in façe cheste udiençe
publicherâ la fate so sentençe.

54. — Cu-l'ordin da lis règlis pre-
al cuche su-la puarte il Pressidènt, (scrit
i doi ançians al flanch ciapin il sît
seguitan'-lu dâûr il rimanènt.
Cun sussiego du'-quáng movin il pît
la tribune ocupând per un momént.
Si sintin dug cun sante gravitât
onde il judiçi vegnî publicât.

55. — Praticâç i consueç regolamènc
slârgie la çiarie il referent in man.

Du'-quáng de-l'uditori stan atênc,
bonade avínd cu-i golosêç la fan;
cee nò si bat onde sinti ju acênc
di un sinèdrio ¹⁾ stimât un-mónt lontán.
Començe il referènt la gran peráule
frut partorît da la raccolte áule :

56. — Consideránd che il fat di cui
al-è un fat denigrât sençe rasòn, (si trate
che, benèfiche simpri la culate,
ha libar concedût al flât il ton,
che une bárbare açiòn a Giove ingrate
sarèss a siarà il pêt ne la presòn
per cui Marín oltre l'infanticidi
procurât 'al varèss áncie il suicidi;

57. — consideránd che mai non fo
la volontât divise de sóstançe (delít
che da qualúnque codiç ven prescrit
che al-è rimiedi il pêt al mál de pançe,

1) Il suprèm Tribunál dai Ebreos.

che il provèrbio común l-ha provid dit
che simpri al fo di mássime importançe
per vivi in sanitât lunghissims dís :
Siarâç in ciase nò si ten nemís;

58. — osservato cu-l voli e cu-l'ociâl
visto del cûl il magich cisindeli
si ricognòsc che al-è acusât in fal,
che lûs la so inocençe come un speli
riverberade a guise di cristâl
quand 'l-è colpît dai rágios del soreli;
osservato che fo calúnie pure
impastade da pèrfide imposture;

59. — osservato, e tociât áncie cu-l
l'elástiche del cûl sotil membrane (dêt
e che il dissèn de l'inzegnîr perfètt
ogni sospièt dal nestri ciâf slontane,
assòlv Marín cu-l nestri vôt complèt
da qualúnque del Fisch fat e condane,
declaránd per infín che la nature
dèbile trop j ha fate la frissure.

Chest poemût l'è stat scrit dal Cont Tite de la Puarte di Udin (1789 - 16 - 6 - 1864), l'istess che 'l-ha ridòt a leçìon furlane o udinese la traduçìon de Enèide fate dal guriçán Jozèf Busiç. Chê òpare, insieme a la traduçìon de Geòrgiche, 'e costituisc il lavôr plu j di pols de leterature furlane. Nome il *Quarantevòt* di Corvát, la *Polente* di Laurinçòn e pocis altris produçions in-t-al ciâmp de poesie e' puedin sei-gi mitùdis donge par vê une ciarte estensiòn. Dut in rest, de nestre leterature poétiche si ridûs a poesiis isoladis plui o manco lungis, ma nò a òparis che han domandât une aplicaçion continuade e assidue.

Nel'unich manoscrit cognossût esistènt - 'te Jopense di Udin, dal qual, vin rigiavât i cinch ciânç publicaç - al poemût e' tegnin daûr 28 otavis che si puedin ritigni rifudûms de òpare stesse. Mertaressin di sei publicadis áncie chês se qualchidûn, che 'l-ha sgrímie, al tentás di indicâ in quai ponç specialmentri dai ultims doi ciânç si podarèss ficiâ-lis in mùd che nò stonassin ma che azonzessin prègio a l'oparate. In veretât si osserve 't-al poemût qualchi lacune, qualchi salt che al meretarèss colmenât.

A cui che al ciatáss il dret cun-t-une ciarte furtune di perfeçionâ-lu, si asegnarà un diplome dal qual in chest numar si presente un ságio.

Son finís i granc lavôrs :
e' fan la Madone dai Dolôrs.
'A è une gran funcìon
ch'a met compassiòn ;
ma dopo preât — e 'vê ben implorât
la pâs e il perdòn — e stâc in processiòn
'a si cãmbe intonaçìon.
Si va in ostarie — si ciâte legrie,
al ven dut trasformât — cun gran libertât
di bevi e mangiâ — di ridi e balâ.
Cun grande armonie — ognûn pare vie
la gran malincunie.
Sú duncie daûr-mán — vignît a Coseán,
vedarês ce divertimènt
che ognûn stará contènt.
E par chê di Merêt di Tombe che si sa
un altri an 'us vuei spiegâ.

Otobar

J 'vin Otobre che al-há il dis.
Un bièl mès in veretât
e in-fati duc lu dis,
che pocis voltis l-ha sbalgiât.

Il contadín l-è par finî
duc-i-quânc i siei lavôrs
e contènt al va a durmî:
son coronâc i siei sudôrs.

'L-ha il vin in-tá cantine
e la blave sul solâr
al-ha plene la cusine
e furnît áncie l'armâr.

L-ha la stale dute plene
di nemâi e vigielâm
erbe-spagne fen e vene
'a nô-j mánce in dut l'an.

Di purcîc nô-l-è mai sènçe
che j-n' scomençe za a ingrassâ
e cu-la sante so paçiençe
'a lu prone par copâ.

Contadíns, 'o soi contènt
che la stagiòn 'a è lade ben ;
e, sú da brâs, meteit formènt
ch'al sei pront chest an che ven.

lò 'us auguri par sincêr

bon racòlt in generâl ;
il miò lunari al dis il vèr,
e mi darês po' un bièl regâl.

*
**

La prime domènie l-è il Rosari
stabilide in otobre dal lunari,
e si è obleâc dal pari e mari
di mantignî chest grant diari.

I devòc son obleâc
di fâ come j antenâc
che di preâ nô son stufâc
e nô si sa se son premiâc.

Nô j vivin cu-la sperânçe
e qualchi volte strenç la pançe ;
si tire a lunghe cun cheste dançe
e j restin simpri in balançe.

lò nô soi par nie profete
ma mi pâr che sevi drete
di fâ del ben e nô dal mâl,
di amâ-si in generâl,
fradelâ-si duc insieme,
che sarèss l'únice speme
par la pûare umanità
che tribule e ha tribulât
par combati chel nemâl
che si clame capitâl
e procurâ in 'ste maniere
un miôr vivi in cheste tiere.

Culí j savín ce-mût che va
e lis promessis dal di-lá
nissún ha savût niè al savará :
al-è ben miôr nô tant pensâ.

November

Tu Novembre tu hâs l'undis ;
nò tu hâs tantis matetâc ;
tu domandis un de-profundis
par i pûars antenâc.

Tu hâs resòn di ricuardâ
che in chest mond 'a si è mortâi :
un al rive, un altri al va
e cussí sin duc uguâi.

(contínue)

Recensións

G. V. BLANCH - Linguaggio Friulano

(continuación)

vuè, canelâr, moretine (mâscare), temerôs de ciane, forn, svuâl, començâ, straordinari, serve, puartêl, mardar, vualtris, zûcie, ricòç, paciugo, cusi (cussi), vegnadiç, atòrn, di stoss, leandes, lozo, fugolâr, atâd, scandalôs, zimbinând, s-cipignèç, zent, ombres seretanes, nidade, vualtres, dait-lu, lassait-mi, fermait-si, maçait-lu, ciolêd, di l'an passâd, us davi, lontâne-le, ère-al, vève-al, ef-al, clâme-al, clamave-al, lâsce-mi, sarâ-al, remène-al, tu vajrâs, duts-i-doi, duts-quants, tants, celèsts, parints, dints, les tores, pavees, jarbates, scarpes, e i altris feminii plurai in es.

E jè opare di un principiânt che devi sei considerade cun indulgènce ma si scugne áncie fâ a l'autôr il plui sincêr elògio pa-l grand amôr dimostrât a la pátrie favele cu-l dedicâ timp e beç sençe sparágn a la redaçión e a la publicaçión di cheste òpare, nudrît de sperance che il publich si interessi de pròprie lenghe che forme la caratarístiche plui manifeste de píçule naciòn ladine, da la quâl circostance fortunade si podaressin tirâ consequençis di incontestabil utilitât prátiche.

La principâl tesi sostignude 'ta-l volúm 'e jé che la grafie atuâl trascore chêi suns che formin la particularitât dal lengaç e che bastin a "legitimâ il so vant di sei qualchi ciosse di plui di un dialèt", (pag. 93). Cu-l-abolición di un segno grafich che al distíngui il *c* palatín (e nò 'o azonzín áncie il *g* palatín), il *z* e l'*s* dolç e aspros e l'*sc(e)* áncie devánt lis vocals *a*, *o*, *u*, si fâs dal furlán un lengaç artifiçiâl, un lengaç che nò-l-esíst in nature. A pag. 98 al racomande:

— Fait une roste a l'inondaçión che mináçie di devastâ dute la Furlanie e difindêl cu-lis onglis e cu-i dinc il patrimoni linguistich che nus han tramandât i nestris venerábii vons. E a pag. 84 poi, a proposit di *Reclûs*, (talián Racchiuso), al deplòre che la toponomástiche furlane sei stade stupidamentri talianizade. Seguind Pirone 'l-adote *çh* pa-l *c* palatín; a imitaçión dal *Forumjuli* di Guriçe *f* (s lungh) par *s* dolç (*rofe*), doi *ss* per l'aspro, *z* par *z* dolç (*zimul*) e *ç* par l'aspro (*çeve*), *sc* par *sc* linguâl (*pasçòn, nasçûd, buscade, frosç*). Par il *c* guturâl, áncie in fin di peráule al use *ch* (*stech*).

Al máncie il mûd di indicâ il *g* palatín che i filòlogos todèschs esprimin cu-l digrame *dy* (mentre il *çh* lu esprimin cun *tx* (*x grêch*). L'uso dai digramis 'l-è pôch racomandabil, ma dal momènt che nò si 'uelin doprà lètaris acentadis come lis lenghi slavis e l'Esperanto (*ĉ*, *ĝ*) né il *k*, si podarèss pe-s dós palatinis e pe' linguâl doprà *t*, *d*, *h* piçui in forme di esponènt e scrivi: *'cavál*, *'dgenoli*, *fros^h*, *nash^hûd*.

L'autôr al propòn di meti l'*h* par scrivi *hom*; e parcè nò in duc i altris câs in cui la vocâl 'e jé aspirade? Cussi al par veramentri di strani che di duc i monosílabos omògrafos ed omòfonos (scriç te idéntiche maniere ma cun significât diferènt) nò-l ciati altri che il *po*. L'autôr al separe cun liniute i pronóms átonos o enclitichs e lis lètaris mitudis par eufonie: *an-d-è*, *in-t-èl*, *ve-d-i*, *se-d-in* (par *vei*, *sein*), *j-emplâ* (*emplâ*) ma no-l diferèncie lis vocâl *e* ed *o* viartis da lis siaradis. Al combât invéci, e par nò-altris a tuárt, il principi de relaçión Pellis che dís: — "Ognún al scrivará come si fevele 'ta-l so país sençe tigni cont de tradiçión leterárie e de etimologie.", Il bièl al-è che l'autôr stess al obedisc a cheste règule scrivind come che si

usin a pronunçia 'ta-l so pais lis peráulis ripuartadis in principi, la majôr part des quâls si giavin da la forme leterárie e a' son dialetâls. Dúncie al obedisc sençe volê a la règule che al biásime. Ordinariamentri si pronuncie e si scrîv *Zôrut* ma cheste vôs secônd i pais si pronúncie, *Sorût, Surût, Clorût, Ciurût, Giorût, Giurût* e ancie *“Giorût, “Zurût, “Çorût*, ecc. Qual is-e la leterárie?

La diferènt maniere di pronunçia e quindi di fotografâ la pronunçie cu-la grafie 'e permetarâ di distingui la pátrie da l'autôr. Soltánt provisoriamentri la lenghe che si scrîv plui comunementri (e che corispuînd al vèrnacul udinês) 'e jé la lenghe leterárie ma se vigníss detade in dialèt, metín di Pesáriis, une ôparè di importànçe capitâl (corispondént al capolavor di Dante o a la Bibie di Lutero), verosimilmentri chel al diventaréss il ladín leterari. No-l-è ancimò il càs di siarâ la strade a cui che al podarèss componi il libri nacionâl ladín, come che jè siarade 'tes altris nacións.

DREE BLANCH di San Denêl, poete

Son passâc tang agns biel-zâ e 'o mi sovèn del di che volei fâ cognoscinçe cun chest tipo originâl. Originâl 'ta-l sens reâl di poete spontani.

Lu ciatai e al mi ricevè sentât donge il so desch di cialiâr. 'O vei l'impression che chel puar vècio al vess ormai pierdût la simpatie 'ta chel desch e 'ta-lis çavatis e che quantúncie nò-l savèss distacâ-si da chest mobil, lu doprâss par scrivi lis sôs rimis. E la passion anciemò vive 'te-s sôs producións furlanis si pandè subit che iò entrai in argomènt.

Il vecieto da la barbe grise, dai vôi vîvs e impiâc, da la çoce nude, da la

front spaçiose alte e capárbie al mi fevelave za cun passion e amiciçie: I siei vièrs a' erin stâc apreçâc e la comèdie (*Martín Todèsch*), l'úniche publicade, 'a veve vût sucèss su-lis scenis. Quindi il so desch al podeve 'vê il dirit di trasformâ-si in scritori.

Cialând a-tôr la stançe ch'a mi ospitave mi parè ben meschine, ma dade la culumie di chel om, capîi che lui al rivave a fâ figure di çitadin civil, e civil al-jere. Lassin-lu li a lis sôs poesiis zovenils (come che lu riviôd 'te memòrie) parcè che in-alore al veve di dâ fûr *Lis fueis dopo dai flors*, e tiran'-si in dispârt considerin un pôch l'om e la so produciòn.

Cence altri disin che si ciatín di front a un modèst ma vèr poete. No-l-è nò fra chêi che a' improvisin, ma un poete riflessiv ch' al compòn, sei pûr tastânt, gustând e riprovânt fin che il so cesèl al rièsc precis. Qualchi inespèrt al crodará che 'cussí fasind la rime (e il vièrs) 'a sevi ciride... cu-l ferâl.

Nò: áncie cussí spietade, la rime, se jé vere, 'a devi capitâ di svuâl, ciapade a l'impensade, par chel procedimènt misteriôs de ment, che se 'a ha l'atitudìne a sa come inconsciamentri tirâ a sè, associâ e sotometi a la cadence musicâl lis peráulis di sun someánt e 'ta-l stess timp di un significât precisât. Che un al disponi di tant timp ch' al-ûl, se 'a nò-l-há cheste capacitât artistiche nò-l riescirá mai a fâ un cesèl o un quadri.

Lis rimis inveçe di 'vê chê impronte di indovinât, di precis, a' savarán simpri di sfuarçât, di incolâd; e se áncie a' precisin cun lògiche l'espression, a' sarán simpri comúns, semplicionis, cence sugo.

Lis rimis dal nestri siôr Dree a' son inveçe indovinadíssimis, bielìs, caraterístichis, decisivis e plenis di fuarce 'te conclusion.

(continúe)

Marmul Guriçán. — *Sclesis*, rimis, Guriçe 1930, Fr. 1.50; *Sbrindui* 2.50; *Fruscòns* 1.50; *Gragnelùç* 1.50. In vèndite là di Molisin, di Logar e di Cumar.

Ai rivenditòrs da l'Archivi

Nò podind domandâ une seconde volte cun corispondençe particolâr o cun circolâr la restituçiòn des dispensis non vindudis e il pajamènt di chês esitadis, stampin cult sot il nom e l'impuart dal debit de's singulis ditis a lis quâls 'l-è stât afidât il periodich. Il nom di cui che al si metarâ in règule al vegnarâ scancelât.

Bertiûl, Carnielli Fr. 18 - Buje, Rovere 0.60 - Buri, Ang. Rossi 18 - Ciaplûng, Cumin 18 - Cividât, Bront 25.80, Munero 5, Stringher 34 - Codroip, Fogolin 3, Reghini-Gremese 1 - Dartigne, Cussig 18 - Daël, Malacrea 0.60 - Daçân, Rambaldini 3 - Daviân, Marchiòl 6 - Cormòns, Cosmar 18 - Cordenòns, Appi 18, Mozzòn 18 - Cordovâd, Rizzardo 18, Fanzio 18 - Cervignân, Ceregato 18, Marchioli 18, Di Biaggio 18 - Forgiârie, Garlatti 3 - Flaibân, Castellani 22 - Flumisèl, Gottardo 18 - Fors d'Aotris, G. Vidale 18, T. Vidale 18 - Gradis-cie da l'Isûnç, Larese 18, Zunini 3 - Glemone, Elia 34, Toso 0.60, Copetti 6, Disetti 6 - Guriçe, Weherle 1.20, A. Le Lièvre 3 - Latisane, Cigaina 3, Raffin 18, Saniudi 3 - Lucinîns, Vidòz 14 - Maniâ, Pittau 18, Venier 18 - Muèç Mattiello 10.40, - Majân, Butazzoni 18, Bortolotti 18 - Montréal dal Celline, Fignon 18 - Morsân al Tajamènt, Anese 6.60, Borin 12 - Monfalcòn, Cartolibraria 3, Suplina 18 - Nimis, Manzocco 3 - Osôv, Di Toma 12 - Orsârie, Confin 18 - Palme, Trevisâni 18, Pirona 10.30, Bono 18 - Pontebe, Macor 10 - Pordenòn, Ellero 0.60, Civrân 18 - Pretèulis, Porrut 18 - Paluçe, Englaro 18 - Puçûi, Missana 1.20 - Rivignân, Gori 18 - Remanzâç, Morandin 3, - Româns dal Lusînç, Valdemarin 18 - Roncis di Mof. Gregorcic 18 - Sagrât, Wilfing 15, Furlani e Mantovani 3 - S. Vît al Tajamènt, Lovadina 3, Boem 5.40 - S. Pieri su-l Nadisòn, Dalmassoni 18 - Spilimbèrgh, Menini 16, Innocente 0.60, Gaspardo 12 - Tarcint, Bernardis 1.20, Tofolón 3, Andreoli 6, Pontelli 22 - Travès, Marascutti 6 - Tulmièç, Carnia 3, Molinari 22, Ciani-Moro 6.60, Trièst, Ferrari 12, Fano 6 - Vile Santine, Zanúss 9 - Valvasòn, Alcozar 9 - Vilevicentine, Pacco 12 - Zuj, Venuti 18.

Al mèrite di sei segnalât un tâl che l'ha respint la circolâr di novembar scrivind su-la stesse: I numars di sâgio e di reclâm nò si pain. Stin a viodi l'efièt de so reclâm. Cun 26 dispensis al varâ fat almanco altretânc abonâç! Se po' al pritindèss che l'Archivi j regalâ fr. 22.50 al merte che si públichî il so ritrât parcè che al sei tramandât a la posteritât.

Da la sètima dispense l'Archivi 'l-è in vèndite nome a Udin e a Guriçe.

Abonamènc a dis dispensis, scomençând da qualùnque numar, Franchs 12.50 par l'interno; 15.— par l'èstero. Cont Corint Postâl 8-69. Indirîç: **Udin, Place Vitòrio Emanuele 9 A.**

Gerènt responsabil A. Tilin

Stabilimènt Tipo-Litografich **BEPO TABÀCH** — Sandanèl del Friûl